

# 'Sëédhɛ -yaaga -naa 'ö

## Zan

### -ya bɔ Gayusö -dhë bhë 'ö =nɛ

<sup>1</sup>Sëédhɛ =nɛ, ma 'a mɛ zii 'ka -Zlan -gɔ kɔɔ 'a- bɔ Gayusö, bhi 'ü n dheglu 'ka, 'ö 'ko -klu -sü 'ka 'kuë- Klito -bha 'wun gia- -bha bhë, ü -dhë.

<sup>2</sup>N dheglu, a- 'piö kö 'ü 'dho 'dhiö pë 'plɛ 'gü, 'iin kö -potaasü -yö kē ü -gɔ =nɛ -kɔ 'ö ü -faan' 'dhö 'dho -na -a 'ka 'dhiö 'wun 'plɛ 'gü bhë -a 'dhö.

<sup>3</sup>=Dhɛ 'ö n dheglu -nu -wo go ü 'piö 'ö 'wo 'wun gia- 'ö ü 'gü waa- ü 'ta -sü -kɔ 'ö 'wun gia- 'gü 'wo- -wun =blɛɛ n -dhë, n =zuö' 'glu -yö -dhi giagiawo.

<sup>4</sup>=Zuögludhi -wun 'ö dho kē =va -yaan zië 'wun 'ö -gban ma 'në -nu -bha 'ta 'sü -kɔ 'ö 'wun gia- 'gü -a -bha 'yaa -dhö.

#### 'Wun 'ö -gban -nia -nu 'kun -kɔ -bha

<sup>5</sup>N dheglu, pë -nu 'ü- kē -na dhegluzë -nu -dhë bhë, -yö kpengdhö. -A -de pë -nu 'ü- kē -na -nia -nu -gɔ 'pö -wo kpengdhö. <sup>6</sup>'Wun 'ö -gban ü -bha -dho -bha bhë, -wa -wun -së -blɛɛ -Zlan -bha 'në -nu -dho 'kuë- -sü ziën.

-Bhö nu -an -dhë kö -wo 'dho wo -bha 'ta 'ka 'dhiö =nɛ -kɔ 'ö dho dhi -a 'ka -Zlan -dhë -a 'dhö. <sup>7</sup>Bhii 'dho 'wo- wo bhë, -wo -dho Klito 'tɔ -wun 'gü. Pë

-kē 'ö pë -nu 'ö mɛ -nu 'ö 'waa Yesu -wun -dhe 'wun gia- 'ö 'wo- nu -an -dhë 'ö 'waa- 'kun 'ö bhë. <sup>8</sup>=Dhɛ -kē 'dhö kö mɛ -nu 'wo 'dhö bhë, kwa -dua' -mü

'kwa -an -nia =kun kö kwa -nu 'kwaan- kē 'wun gia- -yuökême -nu 'ka. <sup>9</sup>A 'sëédhɛ -bɔ -Zlan -bha mɛ -nu -dho 'kuë- -sü -dhë, 'kɛɛ Diotrefö 'ö- -dho -kē

-yö 'dhiö -sü 'ka pë 'plɛ 'gü bhë, 'sëédhɛ bhë, -ya -wun -zuö -kɔ =taa. <sup>10</sup>'Kɛɛ yi 'a dho nuë 'ma, pë -nu 'ö- kē -na bhë a -dho -a -wun =blɛɛ'; bhii =ya kē

-yö yi -wun yaa -pɛn. -Ya -kē 'dhö 'kɛɛ 'yaa- -zo 'kun. -Yö -dho 'zü 'ö yö -de gia- 'ö -kɔ dhegluzë -nu 'wo nu -na 'ma bhë -an -nia 'kun -sü 'ka; 'ö mɛ

-nu 'ö 'wo- 'piö kö 'wo wo -zo kē dhegluzë -nu 'wo bhë -an 'piö bhë, 'ö dɔ -an -gɔ 'yënnɔ; 'ö- pö 'ö -an bho -Zlan -bha 'në -nu kpö 'gü. <sup>11</sup>N dheglu, kö

-kun 'ü to kēpë yaa 'piö! -Bhö 'to 'wun -së kē -sü 'piö =zian! Bhii mɛ 'ö pë

-së -kë -yö -Zlan -bha 'në 'ka; 'ö me 'ö pë yaa -kë 'ö yaa -Zlan dɔ. <sup>12</sup>-Ya 'go mü 'zü, mɛ 'plɛ -wo Demetriusö -wun -së -blɛɛ. -A -de, -a këwun -nu -wa -zɔn =nɛ -yö 'wun gia- -zian -ta. Yi -de 'pö, yi- -wun -së -blɛɛ 'ö bhi gia- 'ü- dɔ =nɛ 'yië 'wun -nu =blɛɛ'- kö 'wun gia- -mü.

**-Wekadhe -kaanta**

<sup>13</sup>'Wun -yö n -gɔ =va 'aan- =blɛɛ', 'kɛɛ n 'ka 'dho -a 'plɛ kë 'sëédhɛ 'ka.  
<sup>14</sup>A- 'piö kö 'ko ko 'ko yö -dhekpaoyi =nɛ -a 'ka kö 'kuë- 'wun 'bhaa -nu yö 'ko 'dhiö. <sup>15</sup>Kö =zuöyagluu -yö kë ü -gɔ. Dhegluzë -nu 'wo 'nö =wa 'we ü 'ka!  
 'Ma 'we ü 'ka; dhegluzë -nu 'wo ü 'piö 'ma, 'ma 'we -an 'ka do do 'ka!